

HITZ BITAN

ATXILOKETA

Bi semeak arma baten mehatxupean atxiki zituen gizon bat atxilotu dute Hendaian

Bi semeak arma baten mehatxupean sei orduz atxiki zituen gizon bat atxilotu zuen Poliziak, larunbatean, Hendaian. 53 urteko gizonak arazo psikologikoak zituen aspalditik. Auzo batek Poliziari hots egin zion eta Boredeleko GIPN polizia indar bereziak ekarrarazi zituzten. Hiru orenez negoziatu eta gizonak amore ematea lortu zuten. Etxea miaztean, Poliziak 20 arma atzeman zituen. Baionako Bellevue erietxe psikiatrikora eraman zuten.

ITOITZ

Gorenak dio Nafarroako Ubidearen eraginari buruzko txostena ezin dela errekurritu

Espainiako Auzitegi Gorenak atzo kaleratutako epaiaren arabera, Nafarroako Ubidearen proiektuaren Ingurumen Eraginari Buruzko Adierazpena ezin da errekurritu. Itoizko Koordinadorak jarri zuen errekurtsioa Madrilgo Justizia Auzitegi Nagusian, baina ez zuten tramitatu onartu. Koordinadorak, beraz, Goreneari aurkeztu zuen helegitea, eta horrek berretsi egin du Madrilgo Auzitegiaren erabakia.

BAZTERKETA

Gutxitu fisikoek integrazioa nahi dute, ez «laguntza politika»

Gutxitu fisikoen Araba, Bizkaia eta Gipuzkoako elkarteak aldarrikatu du «lan merkatuan, hezkuntza sarean nahiz osterantzeko alorretan normaltasun osoz integratu ahal izateko sustapena». Elkarteko arduradun Juan Carlos Solak arbuia egin du «laguntza politikan» oinarritutako bidea. Agiria kaleratu du, gaur, Gutxitu Fisikoen Eguna dela-eta.



JAVIER ETXEZARRETA / EFE



JON URBE / ARGAZKI PRESS



JESUS DIGES / EFE



ALFREDO ALDAI / EFE

HAMAIIKA EZBEHAR. Hamaika ezbehar eta arazo ugari eragin du euriak egunotan. Argazkietan, Donostiako Urbieta kalean eroritako aldamioa, auto istripua Donostiako Martutene auzoan, Otsagitik pasatzen den Zaraitzu ibaia gainezka egiteko zorian, eta olatuak Getxon.

Errepideetan gizon bat hil eta istripu ugari izan dira euriteen eraginez

Eguraldi txarrak ez du etenik, eta Lapurdi, Gipuzkoa eta Bizkaia alerta egoeran daude

Erredakzioa | DONOSTIA

Azken egunotan botatako euriak hamaika arazo eragin ditu, bai errepideetan, bai eta ibai inguruetan eta kostaldean ere. Larunbatetik atzo arte istripu ugari gertatu ziren Euskal Herriko errepideetan, eta hiru lagun hil ziren: larunbatean bi mutil, Andoainen, eta atzo gizon bat, Luhuson.

Luhuson gertatutako istripuan bi autok jo zuten aurrez-aurre, eta 30 urteko gizona bat hiltzeaz gain, bi lagun larri

zauritu ziren. Igande goizaldean Andoainen 28 urteko bi gazte hil ziren. Lasarten auto bat lapurtu zuten eta Andoainera bidean seinale bat jo eta biak hil ziren. Horiez gain, errepideetan beste istripu ugari gertatu dira, eta agintariak autoarekin kontuz ibiltzeko aholkatu dute.

Atzo, esaterako, hiru lagun zauritu ziren Barakaldo eta Zierbenan gertatutako istripu bitan. Barakaldon gertatutako ezbeharrean, bost autok eta bi kamioik jo zuten elkar, bata bestearen atzetik.

Eguraldi txarrak lurralde osoan izan du eragina, zenbait lekutan 60 litro bota zituen metro koadroko. Atzo kostaldeak pairatu zuen eguraldiaren eraso bortitzena, eta aurreikuspenek diote Lapurdi, Bizkaian eta Gipuzkoan egunotako eguraldi bera egiten jarraituko duela. Haize boladak ere gogortzen ari dira. Haizeak 90 kilometro orduko abiadurarekin jo zuten atzo.

Iparaldean, Errobi eta Urdazuri ibaiek gainezka egin zuten atzo, uholde tipiak eraginez,

Ortzaizte, Uztaritze, Hendaia eta Senperen nagusiki. Kostaldeko gainerako herrietan larrialdi heina gaintitu zen 13:00etan. Bestalde, Baionan bozgorailuetatik abisua zabaldu zuten atzo arratsaldean, itsasgorarekin uholdeak izan zitezkeela ohartarazteko. Iparaldean uholdeei buru egiteko neurriak indarrean sartu ziren hainbat herrian. Jendarmeria eta sorospen zerbitzuak larrialdi egoeran zeuden bart. Gipuzkoa eta Bizkaia ere alerta egoeran daude.

Anoetako Udala

Udalbatzarrek 2002ko azaroaren 21ean egindako Ohizkanpoko bilkuran, hasierako onespina eman zion, legezko partaideen gehiengo osoaren quorumarekin, "A-11 ERROTA EREMIAN ANOETAKO PLANEAMENDUKO ARAU SUBSIDIARIOEN ALDAKETA"ri eta, hilabete bateko epean jendaurrean ikusgai egongo da, iragarkia Gipuzkoako Aldizkari Ofizialean, Diario Vasco, Gara, Egunkaria, Egunerio eta Udaletxeko Iragarki Taulan jarriko delarik, dagokionak iradokizunak aurkeztu ahal izan ditzen. Espediente Udaletxeko Idazkaritzan aztergai egongo da, 9:00etatik 13:00etara.

Anoetan, 2002ko azaroaren 27an.
ALKATEA
Sinaturik: Jose M^o Sarasola Goenaga jaunak



ZUMARRAGAKO UDALA

OBRA KONTRATAZIOA

Zumarragoa Udala-Batzarrak, 2002ko urriaren 14an egin zuen bilera berezian, Zumarragoa Arau Subsidiarioen 27. Areako U.A.U. 1 eta 2. Atalei (Urdaneta Hiribidea), eta 31. Areako AC1 atalari (Artiz auzoa) dagokien Aldaketa dokumentu berriari behin behineko onarpena ematea erabaki zuen.

Udal-Batzarrak hartutako akordioak agintzen duena betetze aldera informazio gehiago izateko, herritarrok aztergai izango duzue esandako fitxa urbanistikoki, Udaletxeko Bulego Teknikoan, iragarki hau Gipuzkoako Aldizkari Ofizialean argitaratu eman eta biharamunetik aurrera hilabete epean, hartara, nahi duen guztiak aztertu, eta egoki iritzi gero, bidezko diren ohar nahiz erreklamazioak egin ditzan.

Aipatutako iragarkia 2002ko azaroaren 28ko G.A.O.n, 226. zenbakikoan, argitaratu da; hortaz, erreklamazioak egiteko epea 2002ko abenduaren 30ean amaituko da.

Zumarragan, 2002ko azaroaren 29an.

ALKATEAK,
Sin.: Aitor Gabilondo Ruiz



LAURO IKASTOLA

LAURO IKASTOLA KOOPERATIBA ELKARTEAREN EZOHIO BATZAR INFORMATIBORAKO DEIA

LAURO IKASTOLA KOOPERATIBA ELKARTEAREN Estatutu sozialen 30. artikulua eta Euskadiko Kooperatiben ekainaren 24ko 4/1993 legearen 33. artikulua ezartzen dutenez, Errektore Kontseiluak EZOHIO BATZAR INFORMATIBORako deia egitea erabaki du. 2002ko abenduaren 17an izango da, 19:00etan deialdi bakarrean, Lauro Ikastolako DBHko Auditoriumean. Gai zerrenda ondokoak izango da:

GAI-ZERRENDA

1. Batxilergoko eraikinaren erreformarako proiektuaren informazioa.

Lauro, 2002ko azaroaren 29an. LEHENDAKARIA